

Lou mazet de moun papet

Eilamount dins la garrigo, moun papet avié un mazet. De segur èro pas un oustalas, semblavo mai uno capitello ; ges de sarraio pèr empacha d'intra, mai pamens ère proun urous de i ana emé moun papet. Moun papet pourtavo toujours uno casqueto, uno casqueto un pau negro. Qu'escaludavo o que l'auro boufavo la casqueto l'avié vissado sus soun clos.

Enfantoun ié disiéu : « *Papet ta casqueto !* » Me coumprenié, se cabucellavo e zou anavian au mazet. Proche dóu mazet moun papet avié cava un pous founs e dins aquelo garrigo secaroussou l'aigo mancavo pas. Lou mazet èro au mitan d'uno vigno bono-di l'aigo.

L'iver fasian de castagnado dins la padello traucado, toujours penjado dins la chaminèio. L'estièu, l'aigo èro fresco e moun papet davalavo dins lou pous uno boutiho de vin dins un panié trauca. Dins ma memòri lou mazet e la casqueto demouron assouda à jamai. Pièi lou tèms a passa.

Papet pleguè parpello. Si sor prenguèron lou mazet pèr lou vendre à de messies de la vilo pèr i basti ço que se dis un loutejamen. Lou vilajoun es devengu uno viloto. Lou mazet fuguè abousouna. Aqueli coulhouon tapèron lou pous pèr mena l'aigo de 3 km. Moun flo (eiretage) fugue pichot, mai l'ai toujours emé iéu : la casqueto de moun papet !

anonyme